

VENDIM
Nr. 746, datë 20.11.2019

**PËR DISA NDRYSHIME NË VENDIMIN NR. 294, DATË 8.4.2015, TË
KËSHILLIT TË MINISTRAVE, “PËR KRIJIMIN E KËSHILLIT TË
INVESTIMEVE”, TË NDRYSHUAR**

Në mbështetje të nenit 100 të Kushtetutës, të marrëveshjes ndërmjet qeverisë së Republikës së Shqipërisë dhe Bankës Evropiane për Rindërtimin dhe Zhvillim, për bashkëpunimin në mbështetje të klimës së investimeve dhe qeverisjes së mirë, nënshkruar më 24 shkurt 2014, me propozimin e ministrit të Shtetit për Diasporën, Këshilli i Ministrave

VENDOSI:

Në vendimin nr. 294, datë 8.4.2015, të Këshillit të Ministrave, të ndryshuar, bëhen këto ndryshime:

1. Nënndarja “i”, e shkronjës “a”, të pikës 5, ndryshohet, si më poshtë vijon:

“i. institucione shtetërore, 4 anëtarë:

- ministri i Shtetit për Mbrojtjen e Sipërmarrjes;
- Banka e Shqipërisë;
- Agjencia Shqiptare e Zhvillimit të Investimeve;
- Fondi Shqiptar për Zhvillimin e Diasporës.”.

2. Nënndarja “iii”, e shkronjës “a”, të pikës 5, ndryshohet, si më poshtë vijon:

“iii. Dhoma të Tregtisë dhe Industrisë, 3 anëtarë:

- Bashkimi i Dhomave të Tregtisë dhe Industrisë;
- Dhoma e Tregtisë dhe Industrisë, Tiranë;
- Dhoma e Biznesit të Diasporës.”.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Erion Braçe